

范德機詩集

開化圖書館
Kaohua Library

開化圖書館

Kaishua library

開化圖書館

kaikua library

開化圖書館

Kaichua library


范德機詩集卷之四



歌行曲類

贈海康舉進士者

聖主徵儒用文學翩翩五士起海角元戎席帳飛薦
鸚泮水成材玉新琢吉日舉薦鐘鼓作皇華大夫繡
朱襮快馬鑿蹄輪脫斲相送西風出郊郭問君此行
事何若於菟要是赤手縛候鴈南飛不踰岳洞庭山
秋木葉落詞場先鋒奪霜鋸萬里青山上黃鶴明光
宮中問禮樂董生策有經濟略一朝聲名動河朔往
取青紫如六博前年禮闈開峻擢明當接武絲綸閣



歸來錦衣照正壑人生無如進士樂烏乎人生無如
進士樂勗爾高步翔寥廓

送鞠

卧病高秋留海浦明日重陽更風雨杜門不出長蒼
苔令我天涯心獨苦籬角黃花親手栽近節如何獨
未開含芳悶采亮有以使君昨暎微詩來凌晨試遣
霜根送畚玉雖微甚珍重極知無意競秋光往作橫
窗歲寒供憶我初客天子都西垣植此常千株結花
年年應吹帽始信南邦事盡殊願得封培自今日何
間朱厓萬家室秋香端不負乾坤但願簫管亂疇匹
歸去來兮雖得歸念歸政自莫輕違他日采英林下

酌誰向清霜望翠微

奉新縣樓對月望浮雲山李八百洞超然
有懷

白露浥宵桂月滿浮雲山
遙想山中人與我身俱閑
少日曾陪供奉班
流浪三千隨百蠻
海水接天看不足
却歸萬壑聽潺湲
累土成岳諒非艱
蚤服玄英劫
大還金闕玉清名
籍在不應猶自戀人間

閩州歌

閩州土俗戶不分
生子數歲學繡文
團綳坐肆襍男女
誰問小年曾識君
古來夜行斯秉燭
今者衢路走紛紛
那更誅求使者急
鞭箠一似雞羊群
古來閨閣

佩箴管令者女工徵六軍雖復太平少征戰設有備
豫將何云去年居作匠五千耗費府藏猶烟雲官胥
招克常十八况以鳩歛奪耕耘祇令棄置半不用民
勞竟是誰懽忻歲歲條章省煩費幸且不省無方殷
唐虞在上儉且勤後王猶復錦綉焚豈有夔龍讓姚
宋不言忍使憂心熏觀風自是使者職作歌雖遠天
應聞

奉陪京城諸友遊南城尋工尊師道場作
我本漁釣清江濱三生自是華蓋君往遊竹浦拾明
月初向芝山尋白雲聞有仙人姓工者舊廬正在燕
城下杖藜步步躡天梯千尺雲門淨如灑門前水流

清且深朗如石鏡開煩襟中有幅輪碾浩劫多見聽
者無知音高莫高兮嵩山之中岑幽莫幽兮壺嶠之
雲林萬金買間不易得到城市無歸心堯舜之事
俱寂寞獨劉一人在正壑問渠羽駕來仙壇夜夜踈
星迷皓鶴我為長春行興在碧草間白日又欲暮浮
雲無時還十年住天都塵土汙客顏於此意不慙冷
然遂懷山更將携手上烟蘿曾是軒轅弓劍過我來
正值五月半青天漸少綠陰多每思東山公興來恣
婆娑左持玉塵揮俗客右引采扇遍天娥明時豪達
盡如此逝且不樂今如何我亦欲喚細腰舞白馬馱
酒金叵羅誠恐道人嗔我慢空道弟子來相看上堂

椎鼓日色晏孤我青精白石飭黃金臺前春已歸海
榴花發乳燕飛同行佳人莫相違相思更贈女蘿衣

贈劉山人遊湖南

楚山高高楚水清之子西還復遠行手持空縣寶月
鑑人中到處測公卿楚有羈臣面如削千載姦諛膽
鷺落誰能早向太平年識得聲名等光岳洞庭湖上
莎草生湘娥祠下鷓鴣鳴與人言必擬忠孝豈獨賣
卜巖君平子言亦是蜀州士家寄錢塘小江涘九野
飛鴻逸便風行色將我泛湖水湖水上幾時來自古
生才湏世用試為令人青眼開

搥練圖

深宮佳人白日長
夜感蟋蟀鳴中房
起視河漢心回
皇雲鬢籠鬆分作行
清水如天收素練
翠蛾帶月杵
玄霜轆轤无繩金
井悄邊頭不見梧桐
黃裁縫熨貼
坐在牀載玄載黃
公子裳制成不遠煩
寄將但見寒
暑彫三光身體甚遠
平時康君不見古來
邊庭士雪
壑関河征戰多折盡
衣裘淚如水

題李白郎官湖

當時郎官奉使出咸原
仙人千里來相迎
畫船吹笛
弄綠水何意芳洲遺
蘓名唐祠蕪沒知何代
惟有東
流水長在黎侯獨起
梁棟之彷彿雲中昔
軒蓋南飛
越鳥北飛鴻
今古悠悠去住同
富貴何如一杯酒
愁

來无地貯西風大別山高幾千尺隔城正與祠相直
青猿夜抱月光啼挂在東湖之石壁黎侯本在斗南
家枕戈猶自憶烟霞祇擬將身報天子不負胷中書
五車昨者相逢玉闕下別來幾日秋潇洒黃葉當頭
亂打人門前繫着青驄馬君今歸去釣晴湖我亦明
年辭帝都君過湖邊定相見為問仙人安穩無

王氏能遠樓

遊莫羨天池鵬歸莫問遼東鶴人生萬事須自為跬
步江山即寥廓請君得酒勿少留為我痛酌王家能
遠之高楼醉捧勾吳匣中劍斫斷千秋萬古愁滄溟
朝旭射燕甸桑枝正搭虛牕面昆崙池上碧桃花舞

盡東風千萬片
千萬片落誰家
願傾海水溢流霞
寄謝尊前望鄉客
底須惆悵惜天涯

梁掾枉教冬菊之歌仍韻答貺

中書省郎梁茂才嗜好雅與時流乖
休衙歸來緊閉戶
剝啄或為幽人開
屋前枯楊千萬樹
屋後官槐傍官路
別起新亭翼瓦間
晝閱黃花夜吟句
自別仙城白兔公
采英泛菊九秋同
江清木落寒鴈遠
我思古人煙浪中
彼美人兮無此美
不見憂兮見之喜
本是千宮萬壑姿
如何宵落君家裏
昨夜遣詩兒過門
挑燈三誦月黃昏
更酬迭唱未足報
要須共倒花前尊
君不見長安富兒
買歌笑意擲千金
惜年少桃李如

今不似春勗子含和保貞耀

錢舜舉畫馬歌

錢君畫人勝畫馬安得名驄妙天下青雲隱約見龍
紋有意軒昂駛華夏圍官山立頽而髯朱衣黑帶高
帽尖問渠掌握詎有此牽控寧知人女嬃君不見才
士受束縛往往因之縱寥廓

杏葉黃

杏葉黃天雨霜穹窿携日照八荒回光照見白玉堂
堂中美人雙鳴璫中宵抱被直西廂忠君愛親兩不
忘奈何零露沾衣裳清曉樓頭見征鴈不如謝官歸
故鄉

題姑蘓丁氏一樂齋

人生開口日幾何一日所得亦已多請君為我酌美酒我當為君歌樂歌堂上仙翁紫錦袍堂中碩人冠嵯峨瑤池日暎眩五色椿樹春生交萬柯借問綵衣行者誰丁家令緒如絲蘿兄弟無故父母存此語未必慙鄒軻况昔知君在朝列贊教國胄懸瓊珂當時權倖悉故舊青紫可拾不宥阿扁舟一去江海遠事實由已非由他他人束縛我掉手此又一樂信所過要當高名日益昇使廉如華分如河歸掩茅齋坐清香松竹交蔭花成窠丈夫所就類如此劍絕即與浮雲摩聊題長歌送君去出門堅笑臨鷗波

贈彭生

自來西垣二月吉品裁良士無虛日上感天子大聖
明下知朝政靡闕失耳聞目見心所然莫此名郡彭
君賢辭官歸養終二親流水二十有四年古人作官
計百世令人動作晦朔計赤面持籌舞銓吏哀哉賢
愚同一致豈知彭生後時寵更二十年猶如至耕田
足兩稻刺波種樹繞天花照地未知羲和多少事但
願堯舜一萬歲千鍾有待亦人情尺璧無瑕乃士貴
四牡以之不為傷蓼莪以之不為廢王人若徵雅道
闕清廣朱弦倚三二美哉彭生泚慶源孝子亦在忠
臣門幾人嘆嗟向穹昊下馬指點銅臺村

侏儒行

君不見東方朔長九尺餘不如侏儒長三尺朝捧一
囊錢夕竟飽死復何益死者不可作飢者食有餘堂
堂之軀天所命生之短者續則悲嗟哉世之人羨彼
侏儒復何為

輓轡怨

門前水揚聲似兩幽人當牕碧弦語東里征夫去不
歸一雙蛾眉鏡中舞年年井上攀輓轡勞心只恐秋
葵枯他家種得長生草梅花落盡青青好

田君寫真

田君力幹成霜鐵一筆能開萬豪傑總是人間敵海

愁但自不忘泓穎別我所思兮大江濱欲往致之道
路分安得煩君寫作巫山與洛中有美人兮泛波上
之遊鴻行巖巔之素雲烏乎此君不可見獨立乾坤
淚如霰

贈鄭元澤別

燕城閉門百花節鄭郎騎驢索我別示我高人王右
丞輞川之圖澹明滅一從辭山去吳越寤寐鄉閨五
情熱偶逢此卷即欣然人間何處無竒絕虞生教授
司成館文字精神萬人傑品題一百二十言一言不
作溪山說卿云亦有溪山趣事與虞言當合轍贈朋
與親各有義頗媿紅塵驅蹇拙更欲相留度小春夜

深縞杏都成雪平旦何以畫荅圖為解臨江獲珮玦

張月梅子昂竹石圖歌

近來海內寫竹石集賢學士有李衍吳興翰林公更
神大抵不令石作板半幅蕭蕭烟霧枝如卷中有千
尺竒洞穴常起鬼神疑嵩華衡岱狎童兒金溪處士
清似鶴携此隨秋訪幽壑我憶為公故寮吏細撫遺
書淚淚落吁嗟翰林今世無一筆猶可重江湖鳴鳳
之下出瑾瑜高風况足勵頑夫

西黎歌

一十三縣海之州四城結帶相綢繆中有羣黎集百
洞耕鑿不知堯舜憂手扶長弓架鈎箭白馬白似雪

花片此又外黎漸漢習仇殺從前如旅勸春花滿山
禾滿臯婦饋壺漿夫血戰曾不如深居不識礼教人
又誰使之郡若縣黎霧山高裹白雲哀猿驚鹿夜深
聞下瀨戈舡今已遠行人猶說路將軍

掘塚歌

昨日舊塚掘今朝新塚成塚前兩翁仲送舊還迎新
舊魂未出新魂入舊魂還對新魂泣舊魂丁寧語新
魂好地不用多子孫子孫綿綿如不絕曾孫不掘玄
孫掘我今掘矣良可悲不知君掘又何時

望瀛海一首送危太樸之四明兼簡廉訪
鄧使君翰林袁侍講

危君英妙年獨往志千載天馬出名駒空行見風采
昨日銜書到空谷甚欲留之不能得九月開帆指四
明要逐高秋望瀛海海水上接天漫漫世人不知此
別難當君夷山碧嶼日是我對月永夕獺狔啼青巖
江樹葉飛天兩霜江上吳歛思斷腸窈窕徐家兒與
女却望蓬萊如故鄉君行却向三山望雲霧軒窗六
鰲上東方雖樂不可以久留歸獻仙公白雲唱西過
錢塘遇順風為拜湖南持斧翁會稽學士以雲島朱
絃流水鳴孤桐道我寄語莫忽忽送君有情亦如海
海水有盡別意無終窮

重登興真觀小樓

舊倒顛新起小樓明且鮮道人慣養白
鷄食豕却來堂下眠偶聞使者薄暮至攷鼓過鐘吟
昊天春茶煮就且莫試慷慨憑高詢往年

至日行

長安夜半通明光羣公冠佩列鴈行秦壇三成樂萬
舞布衣類得齊鳴璫小官需次祇自賤當日再拜謝
日長多少朱門圍艷質何當起視東方白

得黃太史重碧拈春酒輕紅擘荔枝十字
扇面以歸友人

豫章先生行孝友作書往往心應手想當揮汗臨風
時不在荔枝與春酒竹枝歌中喜鵲鳴食蓮感秋思

弟兄素純便面大如斗送與君家作千壽

孟先生

孟先生愛青山看山累月出不還寒驢長笑天地間
杖頭酒壺時取酌身須飢病多容顏往時佳句動明
主富有聲名無比數先生遇之亦不驚去臥南山紫
蘿兩嗟吾豈是先生徒朝朝飽飯謁禁廬暮歸却向
衡門趨刻畫造化論錙銖但有千載名衆人不知而
已獨信非其愚未知吾師先生先生師吾孔子不師
周公吾亦聊以自娛嗟哉先生獨不得相與於同世
雲龍上下遊八區

十月一日颶風後奉和廉訪使

海上颶風久不來一日示我破柱雷乘此便欲歸蓬萊
炎州四時无落葉大木不效軀幹折恠事何止犬吠
雪蓬門土銼雖足怜日月晝夜行青天借爾楚竹洗
蠻烟

奉觀許尊府遺墨

奉常許君玉色立手抱父書紅錦襲紛茫蜀令九霄
神扶摘郢州千首濕鍾張雖云世已遠任趙未可肩
相及葉滿天地兩聲急我縱覽之重於邑却憶風雷
昨夜顛萬壑起盡蛟龍蟄不然尺素尋常耳何日蕭
蕭百靈集草堂驚怪不敢留至寶豈復能輕酬還君
子孫世善收扁舟歸弄江湖秋

夜上烏巖

扁舟夜倚烏巖宿，然火上巖尋古祠。老巫輟睡啓神
戶，率幌請官窺漢儀。漢家將軍利於鶻，征行往往皆
良竒。當時光武皇帝聖舉以善馭，皆周知。將軍再出
定，窮粵忠義耿耿光精垂。不然夷祀已千載，何定至
今歌舞之高懸。銅鼓五獸缺，以手摩拂增深悲。蜈蚣
霄行蛛網結，不識欵書何歲時。庭中蕉葉照石面，猛
席出谷靈風吹。澤魚導涎吏扶掖，欲留頗復思深危。
登臨有客動必戒，况此星露景倭遲。獨立蒼茫問橫
浦，明日江山勞夢思。

朱鍊師洪厓丹井歌

城西山相鈎連隔水照見鬱藍天中有夫容碧漸然
真人手持綠玉杖瀛州一去茫无邊谷巘歷落挂飛
斗樓閣崔嵬凌紫烟古松當道石作根松下寒瀨淙
潺湲百花盡遠諸峯前前有神龍藏九淵赤鱗蛟涎
過千尺四海豐登長晏眠堯舜在上位佐命皆惠宣
豈如秦漢王燒丹學飛仙白玉之牒黃金編樓舡美
人去不旋窮極耳目欲思比松肩焉知清静化乃可
與長年

古杉行

丹陵觀有古杉屹如雙闕當雲門云是鍾君之手植
君去此樹餘空村尾搖翡翠梢八表根結蛇蛟行九

原幽邊豈無鬼神護深處直形天地息一方拆裂引穿
溜猶是百年燒火痕蒼皮樹裏漸欲合始知草木有
道存或云下有丹火伏四時地底皆春溫神還復壯
此其驗疑是自此無傳喧平生政坐嗜竒古來看遠
值寒冬昏長歌沈思遠其下夜半月高松露繁飄搖
葉縣鳧鳥影牢落豐城龍劍魂何當喚起博物者共
騎黃鵠凌昆侖

題皮野逸亭

方丈新亭隱叢篠下有長風蔭清沼杖間白日漏遊
絲空外青烟送飛鳥人生百歲今半之更百千歲將
奚為麻姑自是好風骨按行蓬島歸何時

范德機詩集卷之四

寒風吹送白雲歸
空水清秋正
...

Wahlbibliothek

圖

化

開

...

三

三

范德機詩集卷之五

歌行曲類

釣臺歌

吾慕嚴子陵
隱居富春山
故人乘六龍
身隨魚鳥閒
羊裘大澤雪
在湏忽來導
從入皇都掉
頭不受諫大
夫高風逸節
何代无慎勿
滄浪輕釣徒

首陽山圖

山漠漠兮谷
逶迤中有二
士形容饑問
之不會告者
誰在昔父死
人致國弟讓
兄辭俱去之
一朝隱居北
海北去亂就
治歸人師遇
世偶有戰伐
事叩馬垂血

陳愧辭君王知名臣義直直不退聽將疑為見兵不
果事乃定恥食其粟隱於斯終然飢死茲山下到今
稱誦猶當時白旄黃鉞不可追功業甚盛德甚衰救
民水火事誠危三綱一失誰扶持是以聖人表其怨
謂彼仁者良由茲首陽之墳高幾尺自古富貴埋沒
野草空累累我欲酌北斗薦以黃金卮展圖涕漣沔
此意畫者宜不知

贈余相師

幽人本自居丘壑誤上青天養黃鶴長教四海不知
歸幾見珠宮襍花落獸原山下遇余君語余世事徒
紛紛書眼猶如牖中日宦情正似嶺頭雲

張明德經歷松石圖

張君畫手天下奇
往者京城曾見之
濟南參議最博雅
每為送酒題長詩
深山大澤生喬松
緘封寄我章江湄
問君安得致此本
吏積政類麒麟羈
又費臨川百日假
不爾能事何能施
澗阿無人白石爛
飛泉但見下漣漪
老夫對此神慘惻
况近歲寒霜霰垂
高齋展玩意未已
便欲共赴青雲期
搔首弦歌白駒操
悠悠四海將誰知

二韓詩為韓吏部作

太行青雲城上頭
城下亂水亦東流
誰家烟中楊柳樹
鳴鳥一侶黃栗留
是時東風蕩瀛州
瀛州冠帶集

英游有客抱琴來海岳罷彈為我誇韓侯韓侯家慶
邗晉始異代流風尚能耳九十丈人住丹北猶子類
翁翁類子一門兩世百八十更問千年今有幾余係
生子子生孫錦衣爛照晴空裏我向瑤臺聽洞簫靈
風浩蕩迷宮徵桂枝翠弄月光寒一時秋滿夫容水
神仙中人無俗賈說似青天天為喜往年初識吏部
君吏部有子才絕羣與我同僚內相府給事朝夕均
勞動是則知君莫如我作歌盛德况所欣皇都二月
花紛紛美酒斗倍錢萬文把酒欲醉春日醺為君却
日呼流雲此歌此事今罕聞

懷舊游贈別杜君還益津

往與羽人曾結滄洲期醉騎鯨魚躍天池北走出都
摩碣石所歷至今皆見之澤國波光秋激灑津亭月
色曉參差山夾踈鐘和雪度樓榭斷角引霜吹蘭園
坐送流鶯亂革觀行聞住鶴悲別來幾度斜陽裏平
曲風烟勞夢思安得狂心化為浪去隨流水到天涯
偶向烟城逢杜子為我立馬歡相持自言家在碣石
西易水清淪漪易州風帆日日至佳人何事重來遲
重來易遲去易速便欲從君川路返歲年冉冉思無
限詩成鴈過雲濤晚

用韻酬錫茂才

弱冠從遊狎山水三十餘年屈伸指南隨粵鳥北燕

鴻猷今甚矣吾衰矣學問無成不了事况望清名照
書史得歸重賦茅屋春青眼相看賴吾子丹鉛曾近
更生閣但惜案頭螢亂死世情浩蕩何足云高人不
歎席為門百丈山前秋屢過九州外事憶重論昔傷
萍梗流滄海慙喜梅花侑翠尊制古直須追左契嚴
英必合紹前聞昨朝示我清江作洶如壘壁瞻風雲
媿我徒當大敵怯此陳何止摧千軍流離天驥志速
道悲鳴往往思其羣

留諸生

凌晨風雨踰山樹把書對酒聽鳴鳧牡丹初茁柳新
芽後逐春光向何處元舅曾聞白水誓婦翁更審清

冰譽二家姻好信無匹四海交游加有數我於卿門
誼不薄况此阻陜泥中路元宵只在數日間天氣未
佳須少住

凌雲篇

往與凌雲山人披席豹謁太清是時東風滿瑤京綠
楊三月聽流鶯君隨挂席湘江行予亦騎馬趨承明
手把宮袍歎縛身却憶南溟有繼鱗四年辭海岳一
舉上星辰逢君却向凌雲下心上經綸甚瀟洒半夜
清猿四合啼長松古月照回溪桃花原上路一去意
都迷我本凌雲峰畔客何日相從卜其宅早服還丹
生羽翼共脫朝衣挂青壁

舟下龍舒望九華有懷秋浦守集賢周使君
長淮初四月照見九華山不見秋浦人使我心怡然
昨者蓬萊閣下相周旋白雲冉冉招歸船余亦泛海
追羣仙未知成道何因緣可憐拖頭月咫尺成胡越
安得馮夷半席風疾似南飛寄書鴈泛君今夜過江東

小孤行

小孤有石如席蹲西望屹作長江門洪濤萬古就繩
墨雖有勁勢不敢奔大哉禹功悉經理何必有志今
能存大者為綱小者紀不徒百谷知王尊靈祠正在
石壁下我來適值秋風昏明朝東行吊碣石更與尋
河問九源

張吏部宅山水壁歌

高堂秉燭見翠微巖厓突兀當兩扉庭前繫馬霧露
集老木倒挂藤蘿衣問誰妙手能至此筆墨簡古世
所稀天官主人為我言翰林供奉精天機憶我尋山
客南粵地暖四時皆芳菲眼中得此了不易便覺宇
宙揚清暉旅人獨行歌采薇滄洲茅屋何年歸安得
峰頭置雙鶴相逐蓬萊頂上飛

贈李山人

平生慕事華蓋君四海孤蹤隨白雲峨眉山人行
水駐馬重逢帝城裏別來相問意悠悠北走南飛又
幾秋昔向貴溪尋講鼓又從薊郡攬征裘展圖示我

青山屋山在盱城小江曲東風日日蕩人歸明發行
歌載黃鵠憶昔上帝勅游華子岡中道勒回俗駕賓
炎方是行倘或如私願華子岡頭定相見麻姑應解
索題詩碧桃花發報人知

已未行

二年六月己未朔京城五更大地作臥者顛衣起若
吹起者環庭眩相愕室宇無波上下搖乾坤有位東
西却自我南來覩再震依微初震不冷若昨朝展席
坐堂上耽翫圖書坐元覺堂下羣兒又驚報方饌饗
人喪杯勺櫛者倉皇下沐榻門屋鏗鏘振鈴鐸祗今
猶自騰妖譎旦暮殊言共郭郭大家夜卧張穹廬小

家露坐瞻星落烏知恠變不可屢安巢盡有南飛鵲
昔聞上帝憂瀛洲親勅巨鯨十二頭特為羣臣舉手
戴萬古不與水東流豈其九州亦類此此事或誕或
有由上帝甚神吾甚愚戴者勿動勿優游

次韻賦吳尊師漱芳亭白紅梅花二首

梅仙之宮在何許五尺青天隔風雨冰雪肌膚綽約
人鐵石心腸軟媚語行藏一粒粟中寄品格百花頭
上數所以商廷和鼎功大濩登之六代舞烏呼安得
東皇錫白社昨以金陵為爾土

惟梅本是羣仙侶別有芳姿照微雨人嘗誤作杏花
看我亦戲作蓮花語即色非空還是色遠數不終湏

悉數偷服丹砂忤玉唇
頰頰謫向春風舞烏呼
安得東皇錫赤社
昨以朱陵為爾土

贈陳兄

侍御諸孫美絕儔
碎我遠行遊桂州
道路炎暑正足畏
山水清涼須整留
昔我效官滄海上
歸棹春前拂青嶂
極知茲郡烟景樂
欲往終然背晴浪
送君此去倍傷悲
夢寐梅花雪片詩
故舊相逢憑問信
何時重與覓安期

奉酬段御史登岳陽樓之作時分理盜賊
至海康

誰能手鋪湘水平
刻却君山看洞庭
昔人已騎黃鶴

去樓前亂芷春蘭青豈知綉衣後千載遠違鳳闕來
江城凭高吊古落日紫領客置酒開雲屏酒酣點筆
賦新句薄海傳誦令人驚憶我初游白玉京與君聯
步趨承明手宣皇猷教帝績濟濟學士如登瀛一行
竟墮萬里外回首滄茫思濯纓守官區區事無補惟
有白髮欺人生狎河水外萬竹底四時鳥語烟送鳴
忽忽此地復相見恍如幽夢求仙靈中宵秣馬不遑
暇君又北鄉予南征如茲後會復何日念之使我雙
涕零宮中聖人總四溟所過海岳湏澄清鐵冠峨峨
望天下青霄快展皆脩程由來豺虎伏仁獸况有鷹
準當秋橫明夜相思隔雲島月落高臺聞笛聲

贈荅楊顛民四方采詩

今人論學古人詩事皆天者非人為文章由來貴爾
雅但顧有法何妨竒六經固已殊緩急樂子飛騰自
茲入國賈寧懷大寶疑宮工宵效微綃泣志至言從
意自足何必王風繫流俗觀變時時到黍離宗周思
近西郊哭十道使者明如水問閭盡在冰壺裏觀風
本是使之職太息幽人為之起昨雨綠苔生晚閣黃
菊花前共秋酌采采芳英不盈掬月落樹聲連萬壑
去去牛馬汗如泉既別勿計歸來年治平之音斷可
傳无庸使我心煩惱

題冷架閣脩原圖

曾泛脩江入海昏更數百里緣人村道至常州四唇
少猶未遂得窮河源山人世世原上住示我畫圖聯
秀句安得移家向碧峰釣磯長倚沙頭樹

蕭鍊師

若有羽人吹洞簫拂手不拾松門樵身披破笠褐一
瓢獨携雲霧通青霄幼曾逢人越領柵教襲造化為
科條坐致雷雨不終朝罔兩不習持斧燒其徒夸者
長嘒嘒時夏汗流金石焦山川圭壁走乘輶大巫結
舌小巫嬌但見空宇行肖翹人謂蕭師服神僚胡不
試手湏人邀師乃含思坐中宵謂患不禦猶助妖便
以誠意畚狎調至期發號涎不驕閉戶赤脚飛招搖

白鬢倏忽朱鱗起赤日卷上青天潮四郊泠泠蘓旱
苗列缺一去天迢遙喁喁曲士斲顏銷何且坎鼓更
煩囂爭以俎豆相呼招誰知立功坐不要師方斂手
歸雲寮卧聽流水鳴朱橋采詩觀外給空謠我負師
約秋光凋昨莫敗葉西風飄相思无由警岑寥我作
此詩比鈎瑀誰其和者以報蕭

登君堂酌君酒為張氏順堂賦

登君堂酌君酒願君有親千歲壽有蟠者木疑彼堂
前越女能舞秦女能弦羽觴流月翠幙張天絜絜在
側羅列庶鮮登君堂酌君酒願君有親千歲壽昔屈
生去芟君子貴之鄭莊循愛終悔其為先師遺言戒

爾從今至孝有道豈不在敬酌君酒登君堂願君有
親千歲壽歲歲壽且康

贈別清夫還吳

新雨不作泥鉤輶樹上啼征夫懷遠路家在太湖西
別家今幾度楊柳江邊樹念鄉車輪下漸是中年路
萬事中年尚可期人生且莫長別離長別離向何方
九江落花清浦香玉睢班班鳧乳黃南望不見三高
堂奈何遊子思故鄉我家諸公濟時早功成身退合
天道當時未必知者賢挽不廻之卧烟島後來閱盡
虧成事始識從之去時好我不能赤手縛虹霓又不
能委身同草木生逢堯舜世肯受泥塗辱昨者誤奮

龍門雷蜺蜓嘲之自云足憂來舉觴酹白日惟有皇
天照空谷張公子吳江生我有千載意不羨身後名
為君寫作贈行曲曲中鏗憂難為明君行不聽我意
平明日買船擢秋聲亦欲東下窺蓬瀛飄然始去白
玉京須卿禹穴來相迎相迎未見須相待客行雖遲
心未改

城南諸園觀牡丹

燕然牡丹絕世嘉名園是處列如麻清晨步騎醉暮
歸胸中稍得一萬花青雲長街若木日綠水亂泛天
台霞神功天巧奮心目依稀半在侯王家欲持此花
表衆芳斗大亦有歌與斜堂堂不動吾所敬似者何

得爭豪奢我從年少過花下雖有車馬不敢譁未知
時人作意否俛仰宇宙思深遐

奉和效古意醉歌

憶我初年三四齡當客唯對聲令令夜誦漢賦一千
字朝來千字仍心冥自許英年逼華蓋豈信流光不
相待祇今四十少二年坐念立志足悲慨我當贈君
金縷羅君當答我黃鵠歌吳南水遠春似畫欲行未
行可奈何莫使風雷寄鳴銹莫嘆羊裘墮烟雪人生
萬事如春花瑠花雖晚君須折

二月行

二月欲半春風顛對食廢食心黯然排沙蕩沙忽到

眼須更几席元光鮮昨者出門吹欲倒乘黃不病不
得前百圍大木拔莫動決折斷榦追烏鳶驚雷萬車
碾空過倏歟卷地散百川未知何自蛟龍怒坐使老
屋如流船先生老屋十五椽寄住主人從昔年崩騰
真為居者惜過客東西何用怜幸自環堵无足樂屋
雖朴陋形製堅但念素衣髮如漆白黑變盡思歸田
勉焉守之易勿地會且風止天清妍君不見列禦寇
御之還得同飛仙

送蕭二十兄

東郊蕭條生事微快馬日日起朝歸黑頭遊宦吐梁
肉青眼高人歌薜薇儂家旅食強甘苦何物俗流輕

是非百歲乾坤消展屨三江風浪隔庭闌柳根臘雪
春猶凍沙上晴雲暖更飛昔擬此時具吳榜送行何
故不沾衣

雲林歌為貢供奉作

朝望宣城夕企雲林掃花釣月清我閒心城東之山
倚天碧手捫南斗近咫尺幽人築堂面山坐絕似謝
公故時宅謝公今何在蒼苔翦行跡調笙誦新詩流
水照白石看水作明鏡年光靜來往夜深敬亭雨坐
見南湖長清風被長阪鳥度菱葭響雲之林兮不可
攀中有青猿白鶴相盤桓雲之林兮不可縛時未宿
我青簷端昂藏老仙人抱劍卧山側憶在中華時相

逢髮未白問之不笑亦不言阿容中子瀛州客卻起
遺我寶字書依稀攝精鍊魂魄相期後天元極年共
爾守之合自然專氣還得同飛仙未登雲林堂試作
雲林歌嗟我久容意衰邁雲林雲林奈若何

芝山歌

自公習隱華山北園公既未相清乾坤三光迴明五
秀閎儲靈肆啓忠孝門昔在至元侍潛藩出佐刺史
窺江源二十年間躡台輔即復拂衣辭紫垣憶昔尋
真度海岳騎鯨相見芝山根手拋仙人綠玉杖傾笑
為之顏色溫芝山嵯峨熊席奔屏風百疊翠波翻青
天夫容翦秋水高堂宴罷浮嵐分醉陪藜杖陟山榭

桑麻被逕松滿原此時細屬方外里但覺泉石多深
恩帝思舊臣振頽弊下詔明言徵吏煩使車日歷林
澗曲復携白雲朝至尊觀公出處握至要自許當有
古道存方今明堂力更化頗陋周漢追堯軒蠻夷來
庭百辟享聖心正欲嚴天元黃鐘九奏樂萬舞廟薦
无月元爰膳大脯精神益六合民物自爾能豐蕃功
成次第勒彝鼎歸去欵委尋笙尊此是英雄千載事
慎勿輕與常人論只恐門墻少壯客白頭猶是芝山
村且持此山為公壽願益公壽如崑崙

奉和李監丞醉贈羽人之作

自從墮地爰名山五岳尋真去不還青山无津度日

月旦莫御氣行其間九江西來赴海門中有道路古
來難笑談解入蛟蜃腹脫此命與松喬班吾嘗左揖
三茅君右手直接高飛翰至今空濛偃翠蓋望雲懷
我凌珮環君從茅山來青衣白霓裳肝膽出古劍削
裁光甚揚玄元皇帝雲與仍李武昭王稱世舉德朝
未央偶吹龍笛過九市共君斟酌北斗倚浪轉北斗
不可揖酌之昨以白玉觴百觴未已已後醉援此織
女天機章舉頭眼送南歸鴻秋自滯留君遠翔眇眇
美人絳珠宮弦白雪兮歌清風浮萍流水相遭逢何
獨不在岐路中何獨不在岐路中相思昨夜春缸紅

官河曲

官河人世居河水邊嚴冬二月河冰堅響厨待汲烹
庶鮮朝朝投壺先衆女十指凍墮貂金蟬今日出門
又苦早行人爭惜少夫怜鑿冰難得水上堂養姑欲
姑喜

元城行

元城郭使君愛母不逮養刻木額慈母去官西山漬
上堂示甘旨下堂候寒溫人見使君孝作書細討論
我論使君政亦由孝所敷虞周雖已遠此道今幸存
嗟乎使君天壤何茫茫此道誰與期天雖高孝心本
自達天德地雖厚孝心當有徹地時何必邦人子弟
能化之致之家圖天下皆爾為秋風吹庭樹樹葉秋

如雨秋樹則有枯鳥生長顧雛

范德機詩集卷之五

開化園
Warkna Library

范德機詩集卷之六

七言絕句

懷小栢

手種庭前小栢樹
分枝散葉總天成
涉旬不見長相憶
况是經年別友生

楓林雨止

籬角楓林露鵲巢
春深翠葉未全交
山家老屋渾相似
千里行人識把茅

題黎氏家山圖

漠漠家山在白雲
石橋流水路斜分
狀元坊裏重來

日還有新阡表陸君

社日

北隣雨止散青煙
白叟相違已隔年
忽遣大兒三角
結打門來覓社神錢

贈卓秀才還澧州

不說從師學道難
一身千里暮雲端
是行若拜庭闈
罷有使題詩祇寄蘭

五月二十六夜宿松林蘭若

白沙寨下接飛霞
行至招提日已斜
睡覺忽聞山鳥
語不知今夕離吾家

瑞州城東水邊松下遇老翁稚子蕭然有

桃源想

花墻竹柵護長松雲去柴門晝啓封不是武陵州縣
古秦人那得晉人逢

登高風亭

亭在三劉祠後今西澗書院劉凝之書高安人子道原孫義伸

罷官本自亦由君直節高風世世聞天下布衣能致
祿多因無傳附青雲

桑落洲

桑落洲前秋興孤白雲遠見近還無傳聞酒吏經年
罷美釀家家得縱沽

蕪湖口

已過匡廬卻向西片帆猶逐暮雲迷路長正是思親

節取次驚猿莫浪啼

潯陽

露下天高灘月明行人西指武昌城扁舟未到心先到臥聽潯陽譙鼓聲

題山水圖

烟厓窅窅樹欒欒
三兩漁舟截碧瀾
不解買山頭已白
今朝又得畫圖看

十月白牡丹郢中孫氏家植也

霜檻枝頭結素雲
分明便有繡成裊
紫皇為愛春風早
特向瑤臺折贈君

八駿圖

天上房星照九垓翩翩西域畫龍媒
昆侖一去無消息空見人間八駿來

試院中戲題姚檢校山水圖

故園不涉已經秋何日徑辭黃鶴樓
卻借仙人綠拄杖乘風散上碧峰頭

以瓊扇一握奉致黃明府

拾得炎州月一團殷勤持贈比琅玕
情知已是秋風後留作明年九夏寒

詠鹿

可富終然不稱家呦呦如怨復如嗟
何如送汝歸山去許令臺前卧落花

鐘陵夜宿聞鐘

中年江海夢靈皇
夜半聞鐘似上陽
一百八聲猶未已
更無雲外鴈啼霜

宿村庄見高進士留題戲作

三水橋邊望翠篁
行人駐馬立昏黃
因何秉燭來投宿
州判題詩在草堂

午憩村落竹溪上

竹連流水水緣村
上有青山蔭芡園
此處不容居士住
短牆午暑特侵門

日晏

昨日相期早出村
今朝日晏未開門
可人一夜東風

雨綠遍天街舊草痕

四月三日蚤作訪夏編脩

曉穿甲仗抵晴沙橋角垂楊亂映花春色於人元不
薄將詩句引到君家

會贈晚春

懶向佳人說翠微長安陌上見春暉誰家門巷花狼
藉吹作漫天白雪飛

初六日在院中僚友無人至

乘輿聞喜達皇都自此玉堂宣鎖無閒殺幕中揮翰
手日長獨坐數花須

因杜右父編脩贈痔醫

詆痔曾聞獲乘車王卿妙藝復何如祇應杜老波瀾
筆絕侶齊人治驗書

院中夜直

此身只侶到南州莎草寒雞一片秋後夜玉堂誰上
直料應少睡更多愁

贈黃道士別

二十四巖烟霧幽輕舟橫笛戲清流萬人舉手風塵
下恠殺仙人學遠游

鄰燈

星星遠映孤村外烟烟微穿落水間知有鄰姬思遠
道績麻應待夜深還

休日

整解晨叅不出關有時持酒憶南山無端却被詩牽
引斷送先生此日間

十一月十六夜

本是圓時半不明非緣掩况復何情更無雲表真消
息鐘鼓盆罌亂自鳴

戲題二牛

燕山丈人年九十戲筆掃此雙犂牛江南夜半春雨
作老農驚起為君愁

離揚州

孤蓬如磨遠汀沙葉滿平湖藕未花回首竹西亭漸

遠一江烟雨酒旗斜

贈裴氏二子

唐晉公之後家有胡銓盛德堂銘其先
世為守是郡家焉至今尚為儒家

有後深知晉國賢傷心不為海南邊相逢莫笑無多
贈猶是詞垣舊俸錢

過三合驛

一春歸計又蹉跎窮粵風光奈病何總有青山千萬
疊行人長少鷓鴣多

江閣雨望圖

高閣秋風樹半枯連山更帶雨模糊幽人把釣空江

上縱有扁舟不受呼

見觀西人家石榴

石榴始華實已紅
橘柚照日青
玲瓏自來南州感風
物賴得鄰人生意同

十月十一夜東署聞鴈

久別雲林舊草亭
南江都邑歲彫零
可憐此夜長空
鴈正在青松樹底聽

詰朝進書西宮問盧九
脩謨借馬戲奉絕

作書太史具有喜
徒步拾遺方可憂
明日待朝天上
去何由贈我紫驂騮

高齋

俗客過門應有數
穢言渾似野人家
小齋高接萬林
杪坐見城南城北花

候孔校書

承聞舟楫心河干
久別深思再見難
已具一尊林下
酌好來共慰百華寒

悼節

百華高下攤晴天
竹屋方牀興悄然
忽憶逝人泉下
冷學燒楮火作新烟

清明後聞鄰莊牡丹盡發館中獨遲雨晴
忽開一枝詠以志賞

千山颯颯雨無風
憔悴羣芳二月中
整待人家春事

過小亭特放狀元紅

題楊補之墨梅

學到逃禪自一家
洗空塵墨印江沙
筆端不有蘭亭骨
莫寫園林雪後花

江東晚泊

雲間列岫映朱樓
江水東來打石頭
不是行人惜光景
人心舊有帝王州

江上古祠

老樹昂藏倚岼隈
祠靈經歲鎖蒼苔
豚蹄卮酒能多少
便有羣鴉旦莫來

重感

曾謁聊城太守歸吏扶殘醉踏斜暉重來柳下停船
處太息人間萬事非

湖面

湖面春深暖氣勻青蕪未墮已知春沙灣散駐張魚
客葦室時鷺射鴈人

玉隆宮

東晉真人尚典刑石函故在藥飄零閣前正是升仙
處雲路笙歌少得聽

經梅仙壇下

懶慢辭朝揚子真空山祠廟已千春自從上疏東都
後不見江湖有直臣

北山谷中老父

無多林屋寇青山長子成孫鬢未班
問我鄉原何處是半生江海未知還

題萬竹秋聲

山人愛竹手自種萬箇直臨江水邊
長吟浪被秋風覺散作宮商聲滿天

錢生幽禽圖

誰人翦下碧梧枝誤落西風粉墨池
立斷小禽飛不去朝陽何事鳳鳴遲

封州作

魏關迢迢隔綵霞別來幾歲客天涯
春風二月崖州

道時見棠梨一樹花

渡端州峽

權郎得便泝清流
忽報舟前曉霧收
蠻語酬人翻自
苦好山不敢問何州

正月二十四日至寶圭驛
是北流縣自此
遵陸指鬱林矣

遠辭京闕碧雲端
泝盡夷江未到官
回鴈峰南更千里
是行誰為報平安

登杏磊驛樓自此度海

半生長以客為家
罷直初來瀚海查
始信人間行不盡
天涯更復有天涯

謁海神廟

南州未識異州蘋
初向沙頭問水神
料得行藏無用
卜乘桴人是北來人

得樟樹鎮便寄家書

商船夜說指江西
欲託音書未忍題
收拾鄉心都在
紙兩殼杜宇傍人啼

瓊州出郭

自出瓊州古郭門
更無平行侶中原
重重葉暗枕根
兩知是黎人第幾村

臨高阻雨

恐傾南海成秋雨
急喚西風作晚涼
淨掃黎山須見

骨莫令楚客妻回腸

檳榔寨

秋入黎山風雨多
長江不定駐驚波
翠榕葉底聞鸚鵡
自以此無如客思何

定安縣

鴈上晴雲滅
渡生誰家吹笛
海天明縣堂
曉起西風急
半是深黎夜
雨聲

至富屯

承恩千里出江鄉
轉歷三關道路長
黃葉霧開山市
集見人鳧鴈
憶橫塘

西樓

童子出春親掩閨春來芳樹伴人間別家五月不得
信獨上西樓思遠山

遊南臺閩粵王廟

海角釣龍人杳杳雲閒待鴈路迢迢若為借得山頭
石每到高秋坐看潮

元夕

危樓向暮倚層空故歲今年不得同記取合沙元夕
節滿街簫鼓雨兼風

正月十六夜雙門觀燈時閩粵閩官吏皆
雙門此夜啓崇臺次第東山好月來自古金吾元不
禁少留大將與啣杯

二十六夜得舍弟書及知熊敬輿茂才消息期旦夕有會并知便良尉快也

故人天關騰新薦舍弟雲溪守敝廬未省東歸何日見挑燈細讀寄來書

南澗志見

繁桃只稱倚紅扉蠟酒吹香著舞衣樓底誰家吹玉笛一雙白鷺上雲飛

池館夜坐聽雨

更聲隨雨動譙門頗似聽泉宿楚原客裏青燈如骨肉獨能相待向黃昏

懷京下親友

海上經年思殺人絕
恰京國舊交親
過江唯有傳梅使
寄得書回是莫春

池上晚步

清池斜步竹烟微
鶯囀重門鎖夕暉
退食幸堪無趣謁
見人慙道聽公非

不寐

鼓角連天月滿城
芭蕉葉上露華生
思鄉不寐占潮信
說是中甸夜半平

夜坐池上館

沉沉畫戟隱高牙
月滿閩都十萬家
竹外小曹人睡穩
杖藜獨立聽鳴蛙

建安館夜坐聽流水

平生慕愛武夷君及此名山阻白雲
九曲水聲流過郡夜深猶得世人聞

路傍樹

路傍古木是誰栽更有山棠次第開
東海神仙求不得何因百歲客重來

臨觴

幾見春鐘度上陽偶因寒盡強臨觴
故鄉只在車輪下自是青雲路每長

聞笳

何處聞笳最是悲京門獨立晚晴時
鷓鴣庚一去荒郊

遠借問春光有底遲

夜誦賦瓶花

膽瓶折得樹頭花
初是東園一片霞
西澗讀書過夜
漏忽隨燈影上窗紗

寓書

欲寫鄉書寄故園
行人已遠竟空存
舉頭却見南來
鴈箇箇隨春度塞門

山僧養犬

不見巖扉淨業君
山僧養犬謾成羣
人知自此來看
少祇向山中吠白雲

憶得

憶得佳人白紵詞
幾將天外數歸期
自從落盡庭前樹
夜夜秋聲總不知

聞東鄰歌

促指繁歌沸不停
月高絃語轉明星
莫令知有西隣客
獨坐挑燈課六經

贈郭判官

慈烏夜夜向人啼
幾度紗窗鬼魄低
自有平安三百字
無因却寄大江西

種樹

種樹江頭不記春
年來年去祇傷神
今朝忽向江頭見
稍有清陰庇路人

溝上

御溝新綠動朱闌
溝上垂楊盡可看
唯有西山九千仞
朝朝闕角倚晴寒

卧庭

朝來忽見樹藏霞
碧草春邊逕路斜
佳客不來春雨盡
山禽啄遍小桃花

靈應宮

萬花如繡擁青紅
梯石稜層見梵宮
一十二時春百刻
日長半在鳥聲中

清明日留西山

離家六度見清明
知是何時出帝京
今日登臨倍惆悵

三言
三
悵好山多似豫章城

逢芳草

忽逢芳草思綿綿
綠遍郊原翠滿川
不是王孫歸未
得盡緣春色有今年

西谷訪人不遇

出郭幽人晚未歸
青天咫尺見何稀
一年祇有春晴
好多事楊花學雪飛

題閨人望遠圖

即行不用苦悲辛
久別心知萬事親
看取江邊垂柳
樹最先零落最多春

酬友人月夜見寄

舍北舍南流觴通高荷萬柄倚微風不識此時明月
夜共誰談笑水烟中

題沈李二山人談道中

白雲流水兩無情一段忘言畫不成昨夜天壇明月
滿野風四壁候虫鳴

春日上平坡寺

蘿迳陰陰近百層金輿記是昔人登山僧苦避尋詩
者牢閉柴門喚不應

省災初至新建山谷山家

卹災猶自惱漁樵太息無時緩賦徭日暮解鞍仍秉
燭強顏聚吏戒科條

山下

樓外風江集米船樓中光景月流天空洲此際無鳴
鴈猶比山深少夜眠

章義門送人還南城觀臺

郊原平晚綠萋萋獨上高臺意轉迷古樹鳴蟬城下
路送人長憶向安西

懷臨江寓居

石霜峰北淦西頭寄住林塘數畝幽此及到家猶是
客對人強自說鄉愁

清明日

旅庖欲禁自無烟酒裏中原熟食天不憤小桃紅侶

火為人兒女照秋千

西垣感春

簾幕沉沉燕子歸牡丹帶露浥春暉依然畫省風光
妙少問去年人是非

楊花

穿空透戶本無因若便隨風惱殺人我似楊花花似
我年年飛盡玉堂人

挽西蜀先生

八十猶傳隱者名乾坤未是負先生無端白帝城邊
水欲載哀歌上玉京

歸自館中聞鶯

春來羈思不堪論
日日瞻星謁禁垣
昨夜歸來津口
聽嬌鶯啼斷內城園

友人壁間寒山圖

行盡天涯不見秋
君家庭院冷颼颼
太平欲選風霜
吏畫史當居第一流

東郊

東郊芳草綠萋萋
欲到渾如戀馬蹄
總是都門好春
色隨人直到大江西

絕句

幽人不出戶長開
看盡春風長綠苔
多謝有情雙燕子
暫時飛去又飛來

懷南省海棠感新事作

海棠花發醉題詩，猶記西垣下直時。
今日豈無歌舞地，一尊先被外人知。

贈聊城施主

京國相逢意若何，向人平讞路人哥。
臯陶此去為廷尉，似子寧疑一椽多。

贈盛復之之官宣德

帝城穀雨見黃鸝，關外風光大較遲。
相得牡丹花落後，先生初是到官時。

戲題張平章所贈洪生書後

一翁二季響皇都，未必遭逢事太殊。
祇惜翰林歐學

士當時書讓蔡君謨

贈水鑑道人寫真

鑑盡公卿寫盡真此心澄徹故通神世間未用論滄海何日河流照得人

十二月十九日候進賢談吏不至看野人

家道書

社農家近白鷗沙再繫停驂候蚤霞開啓古囊看法錄此身如到玉清家

送薩僉憲至巖頭渡

石頭渡口風烟古洗盞開尊對淺深卻喚掾曹無覓處移船幽寺看黃花

小年日仍宿北山

臘日才過又小年那堪澤國雨連天
兒童把酒傳明燭遠想慈親尚未眠

題秋林圖

霜樹前頭欲下禽遠行逢有暮歸心
佳人昨日天際去紅蓼作花秋正深

孝友堂

堂前多種紫荆枝堂上能啼白髮兒
但恨後來風雅廢南陔不侶古人詩

戲題奉寄行營董僉事

五月沙山鐵騎羅將軍無那太平何
帳前養得堂人

鹿絨爰行營芳草多

和揭曼石茂才揭嘗過臨不遇留題墻壁
麻姑蚤解髮成霜况說山中海與桑久別南城壇近
客西風殘照憶題墻

題烟雨圖

似有江南布谷聲亂流觸石野橋平何由招得魚竿
客共上西峰看晚晴

題稚川蘆鴈圖

不見羅生心惘然畫圖河朔盡流傳滄洲舊隱無人
識正似寒蘆落鴈邊

伊孝子

是州寧有古藤君子第班班行義聞又說水村烟郭
外伊家水樹林青雲

題松雪圖

傷人不識歲寒松
恰殺深山大雪封
待得化為東海水
青天白日睡蒼龍

桃花原是漸嶺對江

雪晴尋路入華原
絕愛清江抱遠村
行處祇貪幽樹好
不疑山谷易黃昏

范德機詩集卷之六

卷之六

六

開化圖書館

Wakuhwa Library

范德機詩集卷之七

七言律詩

正月節日上寶曆寺行礼退述事

朝叅不見承明廬
夢想三更尚是初
宵宵重山遮列炬
泠泠流水逐行車
柴閤響接羣僧磬
草澤心馳上帝居
聖壽延長天廣大
固應涵養及樵漁

晚經皮使君江居不見賦簡

使君直節更無雙
又拜濃恩出海邦
絕域朱幡兼皂蓋
名園碧樹倚清江
山明殘雪當松隴
岼斷斜暉射石缸
愧殺會稽王子敬
過門未遂此心降

憶得去年尋藥圃甚怜此日負花時
挈舟况說看燈及叩閣應煩把酒
思浩浩古今奚我獨悠悠江海足
吾師西墻倘遂殘年願來往風流
或可期

松湖渡亭子夕眺懷西山朱鍊師

不解無愁祇遣愁憑高試看水東流
一天鷺影摩仙闕兩岸蟬聲送客舟
宵信先生居錦里不將夫子敬丹
丘如聞舊按蓬萊節松下時時省
釣游

題阮茂材詩卷

炳炳人間阮嗣宗能詩化動每愁儂
九霄麈日開鳴鳳六月深淵起卧龍
前輩文章工祖述後生師友係遭逢
一編欲反明珠寄寶匣看君不敢封

贈熊處士還山房

廬山中有山房宋季尚書公擇藏書處今
廢矣海昏李氏為其先作書堂於建昌州
亦曰山房并記尚書烏蓋有慕廬山者矣
聞熊脩業是間故作此記之

尚書舊隱在匡廬亂後傳聞宅已墟祠宇祇今誰薦
鞠鬼神猶自護遺書石泉宛宛輸池細川樹芒芒映
日踈不識海昏熊處士冥棲消息近何如

贈傅汝礪北游

十年身不到瀛洲江上逢君又素秋行李祇今何處
在着花須及俊年游滄波遠去浮三鴟白日高縣照

九州大旱若將敷說命賢良記取舊弓裘

贈熊文學

江東閎閎冠羣倫多士如君復幾人
庠序弦歌時雨潤廟堂俎豆德風淳
嘗因矯舉思鴻鵠何幸升平覩鳳麟
黃葉薊門寒色早佇看天上紫泥新

送馬掾遷湖南

聞君蹙與故交違去逐西風落葉飛
看劍未成今夕會拏舟定復幾時歸
雲開帝子黃陵廟月過將軍赤壁磯
事業還須各努力收名即用繡為衣

八月二十日晚試院得雨次時作

彤庭下詔簡賢良大府新開藝戰場
一道風雷嚴號

令九霄星斗煥文章求材正合隆天爵發策應當急
歲荒昨夜雨聲傳數點爭燒銀燭待新涼

贈李宣使

故園雲外四三年府署依然念子賢莫為馳驅傷遠
道但將忠孝感皇天湖南政譽聞爭薦日下絲綸竚
近傳為報津頭黃鞠藥明當照我上江船

大明殿退朝

曉星寥落動晴霄雙闕香雲近眼飄警蹕西來天影
近衣冠北上海光搖閒因正笏知春漏忽報簫聲押
晝朝忝後詞人雖寡陋極知聖主體軒堯

清讌奉教

日上高城烟霧多玉簫前路散鳴珂開筵迥出清川
上對酒其如綠樹何南極有星朝玉闕中天佳氣掖
鑿坡長年不負經綸寄願及昌時養太和

四月十六日指東華門奉迎香輿

天香曉報出宮城已辨隅頭合樂迎黃鳥低斜衝隊
過紫駟踈蕩著班行百王盛祀無遺典萬乘深居有
至情失喜快傳湯沐賜禮官識姓未知名

禮成還齊宮

九重雅有舜儀刑猶遣精神接杳冥朱戶瞻星扶帝
坐清天分月下齊庭周旋宛若羹墻見薦裸徒聞黍
稷馨掃舍何人發新詠卻魚鳴珮雨邊聽

至夏庄懷平坡舊游

平坡谷前桃杏花年時著屐到君家
祇今可買惟村酒無復能來試
石茶簾幙高高通紫燕溪潭款款伏
青蛇同游昨有虞公子卻為盧郎得浪誇

贈王主事如上都

天官幕府盛諸卿又從皇輿赴上京
解后同為遠道客比鄰猶有故鄉情
秋風響近彈琴峽夜月懸當直斗城
湏記今年上馬日麟蒲杯裏試長生

長春歌奉同夏楊二編脩為九宮道人作
妙絕新亭九宮下似杯非杓異山壘
昔從樹杪冷風去今向天邊洒雨來
芥子量應容宇宙黍珠境不外

樓臺後師斟酌行藏事小閱冥靈一萬迴

送梁知事之婺州

皓月青雲若箇邊送行恨不共吳船
新官浙下皆名郡舊宅山東有賜田
禮樂固應張盛代簿書勿用嘆流年
經時不見曹貲外今日因君重惘然

追和盧脩撰張平章園亭觀花飲

白藕花邊香已秋西郊風物野亭幽
未須短杖扶持病且遣孤尊斷送愁
紫氣近連飛鳳闕青山遙隔釣魚舟
勝游縱在招要外猶解因詩頌醉侯

秋日集詠奉和潘李二使君浦編修諸公

十韻

古薊城邊白露零秋聲不任旅人聽
差差乳燕朝辭舍歷歷高鴻暮過庭
以病酬閒翻自惡將愁抵醉祇
難醒何人解擬匡廬賦千仞岡頭瀑瀉鈴

將身跳出市間壺美賈由來不用沽
大地騎鵬須共化中宵上鶴倩誰扶
庶幾未老投簪去尚可長生折
簡呼此輩終非塵土物明朝種橘學諸蘓

生也無涯死有涯拋書幾擬問南華
要知立志非多事但使成言自一家
寒樹接天霜映鵲濕蕪滿地雨
生蛙相過倘遂携尊酒檢按墻東野菊花

迥無江左管夷吾誰復能稱晉
宋書運本閑天聊尔耳力能蓋世復奚歟
百年草草雲龍地四海悠悠法

象廬曾向鐘山酌芳草至今心死及蓄畬
流落移家白帝都低頭魏盡馬相如題橋一字終何
益賣賦千金竟或無風月長留前輩詠塵沙滿載古
人書此身汎寄空江上已異當時舊髮鬢

浮世有由虛尺寸明時無伎畲消埃偶隨青瑣須高
步欲綴丹書甚寡才斷壁雲過溪笛逝虛林映雨寺
鐘來幾年閒卻持鰲手強為清秋送酒杯

潘公墻角樹連亭曾是笙簧晝夜聽門巷祇今埋糞
壤輪蹄自昔乘雷霆長因午睡思茶竈卻為朝吟款
竹扃若續濟南名士錄莫令憔悴鵲湖亭

李侯高朗若空晴論議詩書滿腹撐期接仙舟應少

便偶分宮硯亦多情蠻荒異俗中年歷河漢頻秋向
夕傾此去豈煩南郡守旌旄勿用野人驚

浦君高價本璠璵多幸薰葭得所於學道初輕千里
驥收功直到九州魚詩探飯顆尤難測賦疑蘭陵定
不虛月月西垣更夜直還應共我惜居諸

秋入江山錦繡開白雪紅葉盡詩才句成祇用三年
得槎在應湏八月回自是每為浮客累非閑不受故
人催憑將寄語詞林老風雨重陽又近來

送白無咎太守之郡

瀟洒中書舊省即排雲曾攬舜衣裳一麾况復守名
郡萬事不如歸故鄉馬首漸違燕闕雨鴈聲欲度晉

城霜漢廷擇相皆良吏蚤奉潘輿謁建章

奉同陳應奉訪友人不遇

翰林小暇出西城京國餘秋晚更明鷗度折磯心已
熟馬逢危石眼偏生疾風稍定樓臺色微照猶含鼓
角聲會合何因得惆悵潛夫祇愧未潛名

夜坐有懷舍弟在江右別來凡閱九冬至矣

天邊此夜逢冬至江表頻年望客還謬戴詞林深雨
露卻怜棣萼遠河山周流本已遠長策趨走那堪益
厚顏何日求田歸計定一尊松下詠閒閑

寄別倪大同

知君久住玉真壇日與飛仙弄紫環從此便令行地

縮逢誰不說上天難鶴邊紅日浮觴送馬首青山抱
檄看相好何因不相別寄詩應到暮雲端

將赴雷陽送羅提舉之任廣東

松滋躉泊薊門船復指番路幾千茉莉香深和酒
露枕柳葉暗煮鹽烟齊人舊笑無遺策漢史新藏有
剝錢莫為遐荒心力怠殊岨更在海南邊

休日出郊三首

上方鐘鼓晝依稀出定諸僧縮法衣迎客猶能下殿
走訪人更有待尋歸禿鷲近水行仍啄危燕當梁乳
更飛自古旅懷煩尉藉並游萬事莫相違

丞相祠西椰子園新開湖館見遙邛風含碎羽珊珊

過浪湧長干剡剡翻止息幸然無鶴爵去來應或有
鷗鵬江邊柳樹晴相倚祇為行人作斷魂
歌馬高林烟霧開感今傷古獨登臺遷臣逐客皆前
輩幙長郎官盡上才放浪已聞竊九域飛騰終合近
三台謝公自有青雲履且與從容步紫苔

寄友人

繡衣行部直南州幙府英名蚤歲收如此一臺魚二
妙令人萬里破千愁枕柳葉暗潮聲暮薜荔花懸岳
影秋此去三湘寧久住近天須應璽書求

題燕山食事絲繡堂

海康城下白雲飛南部觀風使者歸督郡須持直指

斧歷階尚掛老萊衣高堂見月思丹檄遠路逢春憶
翠微賴有滕流詞翰在定隨華榜照林扉

贈余使君致仕還江東

九華山下女羅衣使者旌旗發粵中昔至本膺丹詔
重今歸唯頌白頭公百年自喜行藏定千里何當語
笑同門口侍船應有待大江西即大江東

焚樓鎮志曰漢大將焚船處也今為文昌

縣懷古奉簡邑文學

龍節道遠去不歸漢家將軍建國威當時曾見樓櫓
集異代空聞塵土飛風壓春潮吞亂嶼岍分古木轉
斜暉旁人猶解祠神女何故功臣廟額稀

立春日

今辰春節喜新晴
况是山堂此日成
畦菜撥餘傳葉
美迳桃畱在著花
明雲開葛井蛟龍動
雪盡蕭蕭巖鶴
鶴鳴失喜浪傳京邑信
未閒鄰舍識高情

寄題何處士竹閣

吳漢仙翁丹井西
君家高閣俯清溪
泠泠脩竹鶯時到
井井空烟鶴晝啼
解帶欲圍蒼雪遠
敲門待看綠陰齊
何當試會登臨願
繫馬宅前楊柳枝

屈原廟前觀雨雨止渡口觀魚

尔來倏去峰前雨
半落未開沙際花
春遠客懷淹燕
雀年荒民命掇魚蝦
徒聞黃霸能為郡
豈識張騫苦

泛查早謂仙人無世慮山深往往飯胡麻

送毛練師奉祠禮成還京

仙官持節下青冥海瀆嚴祠衛百靈行為治平循禹服禮從禋祠想虞廷東風到處隨神雨南極歸來奏壽星致福要當宣室問鶴書先報白雲扃

鼇潭塔

征夫魚貫涉秋昏樹底照見石磷磷攀緣唯有千古意搖落獨如三月春
天清過澗猿飲子日晏啼林鷄
警人七曲櫂歌誰按得它年重問塔頭津

題黃隱君秋江釣月圖

舊識先生隱者流倘因圖畫想滄洲
斷雲滿路碧窗

晚明月何年青嶂秋世故風塵變短屐生涯天地一
扁舟何由白石空磯畔招得人間萬戶侯

寄上甘肅吳右丞三首

要使唐虞化遠覃玉門關下屈征驂多憂總為民心
苦有喜唯聞郡姓甘日晚邊沙黃浼浼天晴隴樹碧
毵毵國風不繫秦州外自此西人識召南

歷數先朝輔弼賢如公孰可語同年二童一馬臨荒
鎮百感千憂倚上天深厚已聞鸞詔趣平安不用鴈
書傳別乘濯濯春城柳誰信秋風慰目前

塞上孤鷹白雪毛塞門風物靜蕭蕭黃河西去從天
下秦華東來拔地高枸杞莫將如薏苡醍醐足飲勝

蒲萄遙瞻圭袞還舟日正屬江湖心緒勞

郭茂才要飲舍下忽報董中丞靈樞自上
都至出城迎之遂負此約戲題奉謝

相期把酒對秋暉忽報中丞旅櫬歸遂逐城東朝騎
發遙怜江口夕鴻飛陶潛宅隱波吞石謝傳山寒雨
打扉人事雖殊風物在笑談豈可眼中稀

九月十九日京東門與董右軍諸公別至

通州還寄在京朋游

臨分強顏作笑言上馬慟哭投烟村十年總仗舊交
力萬里獨懷明主恩南極下頭星象少東風近便柳
梅絲時人祇恠丹砂令曾以虛名細討論

山齋二首

山齋朝雨竹光勻
茶竈催添石火新
對語黃鸝真不俗
飛來無鷲淨無鄰
辭榮豈敢要時論
賞靜猶應愧古人
報道林河春漲起
少湏重理舊絲綸

幽栖自是少經過
藥裹書囊奈癖何
仙井朝來雲氣重
洞房夜盡雨聲多
江湖耆舊深思憶
臺館風威尚琢磨
自爾索居增固陋
負苓誰問首陽阿

送陳逆事歸江東二首

長年京下送人歸
初及扁舟指翠微
豈意遂聞鴻鵠操
卻須同製芟荷衣
清江碧樹重重見
紫燕黃鸝處處飛
如此交游二三輩
何因中歲每相違

吳儂呼劍每通神鑄作由來極苦辛天下縱無增價
士夜中須有識光人即今况躡青雲地何日重翻紫
陌塵令第兩街清顯甚定應携手接星辰

傳之經歷謁告還湘中未語別而宵征翌
日與俺友追送生居亭中

美人歸思落滄波昨者論心宵重過寒盡極知春意
在夜深無奈月明何海隅雖變違霜幕天上應須接
玉珂如此才賢移病去瘴烟端的為誰多

北風盡日破南溟行客經年倚壽星子有全家依翠
岳我猶萬里隔青冥山田鹿下投書去水館猿啼却
坐聽王事馳驅知有素何由重見此郵亭

十月九日詣天光門上進三朝寔錄
儀鸞簇仗滿雲端玉鑰初開衆樂攢三后龍光周典
冊羣臣鵠立漢衣冠爐香著日浮晴靄宮樹班香試
曉寒千騎前頭都不避祇傳學士拜金鑿

畫馬

一自房星下渥洼龍媒多在玉皇家赤毛洒血微生
汗黑暈搏雲整作花不待老能知失道固應來是涉
流沙如今豈少真神駿猶有丹青紙上誇

石氏壽母

鶴髮西風尚健身綠衣天上四麒麟爾門皆可二千
石此母何妨五百春露下齊山紅樹曉雨生灤浦綠

波勻勝筵偶覩諸賢詠盡敬東州學士醇

歸來

十載歸來問草堂入門喜見葛山蒼慈親已尉占烏
鵲稚子行看詠鳳凰新理園池幾瓶物小移松柏且
分行卜居未是居難卜為恐傍人議楚狂

和柳提學贈危太樸

伐木丁丁秋滿山詩筒忽到與開顏當時有客語花
洞此地經年上竹閑絕域尚懷身倚劍深居曾夢手
持環文章政類龍多變識察能通豹幾班

題新喻吳氏浩然堂遺事

釣磯西畔問宜州回首空山又數秋曾見龍蛇飛敗

壁每疑魚鳥逐扁舟風雲一變衣冠地城郭重來水
石幽傳得眉山遺記在吳家子弟更風流

過鄰人園林

隱者園林畫不譁冠山樓閣護青霞平安日上琅玕
竹富貴春行錦綉花高鳥時排朱檻過遠溪正帶白
雲斜江城只解聽絲管何處能來玉女車

金鳳

金鳳階前只漫生移栽行列甚方平新來兩本當軒
出各吐幽花照眼明夏雨要將蘓衆槁朝陽端已瑞
先鳴勿云小草精神短每論韶簫記爾名

贈楊茂才

西風淅淅風雨生南塘蕭蕭樓觀清玄蟬抱樹一時
息老鶴懷山終夜鳴放形海岳等雲水託好音書猶
弟兄未知此別會何日為子商歌無限情

贈王文學

法樂洞天曾一游君家聞在水西頭石潭密映藤蘿
月山葉深藏帟豹秋豈意吳城祠下路共尋楊子岷
邊舟胸中富有天官學莫為東南久滯留

到京之七日親祀禮成聞喜有作簡曹奉常

南征被命過柴荆瘴土歸來濕病嬰行撥烟霞歸上
界卧聽風雪打長更侍祠想重鳴珂密出次知先警
鼓清拂曉齋宮聞好語誰人不賀泰階平

辛酉歲元日

西山千仞鬱崔嵬山下樓臺紫翠開玉帛會同來萬
國璣衡縣運屬三台嘗聞海客談金鼎更見祠官進
玉杯慙愧辭臣今白首久無賦頌獻蓬萊

次韻送人之五羊

豫章遠接五羊城白鳥飛還道路明昔我乘桴游汗
漫今君攬轡度崢嶸湖堧夕下潮聲轉斗角寒深寶
氣橫總為觀風揚職業有詩才不負茲行

七月一日度毛竹山

毛竹山高風物幽夜宿白雲新雨收沿溪而上鐘鼓
導自昔以來仙聖游久知地迥飛猿黯新喜天空鳴

鳥稠折嶮縈危盡吾力此行聊不負司秋

曾教授趨韶州

荔子紅邊五月初廣文去住定何如報恩豈戀將軍
馬治盜聊迂太守車多近藤蘿安吏舍少憑楸葛附
音書到官定有佳聲薦瘴雨蠻烟細袂除

獲鹿西郊在樵舍下十里鹿脫穿走山麓
余驅騎者陪之以縛自隨時蕃兵方燎原
靡得觀者傳訝

獵人大火布江磯準備平章旦出關麇鹿齊看赤手
獲鷲鷹猶傍碧雲飛呦呦尚想山居縱麇麇寧忘野
食肥天上神仙不得力心安束縛從吾歸

靖海縣

海縣春深沙氣暄居人生事不離邨上梯取芥料桑
尾抽檣移舟繫柳根已過清明違帝里不妨紅白遍
江園持杯試與酬風物深媿樊遲學圃言

百丈春日紀懷三首

江墅羣芳手自栽春前相次斲蒼苔鄰僧昨許山蘭
送社姬新分圃藥來本為聖情思共濟更饒生事得
相催粵王溪畔韶光好誰想經年逝不回
東風久不到新堂生意雖微未卒荒草上葫蒞偏挺
特花間蘆蕨故高長時來豈盡栽培力物化須知長
養方葵藿有心終莫奪每聞支笏照滄浪

飛飛燕子守繩樞愛爾由來似鳳雛
宵謂撩人嗔坐對向曾去我憶巢
孤塗泥湏責經營苦爪觜無供啄
哺娛春社風光時有再天生品彙各應殊

太樸絨至君靜清詩讀之尉快斯又凋弊
之餘安得見二桀然者敬嘆敬嘆一詩寄
謝介簡君瑞要知於二賢傾倒之至也

元豐宗匠是吾師幽夢江湖每見之
在昔才名真蓋代祇今子弟好能詩
六經更待黃麻擬雙劍終因紫
氣知衰疾連秋猶長物扁舟未到謝相思

吊張鍊師

名家接武依丹陛壯歲招魂入翠微
遂使老聃成自

吊不知丁令竟何歸
蛇蟬豈戀尋山蛻
雞犬曾聞挾日飛
獨有皇恩無以報
昨傳天語慰松扉

李原李翁

魯國先生九十餘
百年消息定何如
世情看作東流水
天地留息下澤車
隴西供奉豈無酒
河上丈人空有書
見說鄉鄰問何事
扣門語及莫鐘初

寄題集賢周司直悠然閣

番陽東下萬山圍
魁閣崢嶸面翠微
雲接大荒迴古色
波涵落水動晴暉
宦情靜與遊魚逝
詩思長隨夕鳥飛
久待倚闌成獨酌
癡兒了事各須歸

徐聞縣懷京下舊游

平生不識張廷尉中歲方逢馬伏波昨見山川皆膽
落稍侵霜露始心和皇恩遠荷優隆至旅况深慚慨
惜多天上故人安好在西風遶暮意如何

泰定二年丙寅歲元日

閩藩傑構入青雲簫鼓聲高萬壑聞甌粵誰存封建
業唐虞真是聖明君蓬萊瑞氣皇居正太液恩波御
席分身遠秣懷歸委珮絲綸閣近窳續紛

自我府出還珠門晚歸廨舍

光迎署府千花樹秀入河橋萬柳梢春日樓臺圍翠
巘夜晴燈火接青郊升平舊俗今猶在浩蕩流年又
過交董奉接官何處宅相依願與結衡茅

閩山神光寺西崖上觀唐李陽冰篆篆為
山僧架屋掩所壞居始二十二字云
城西有寺忽如林伏地印霄苔蘚侵古人題字看欲
遍今我杖藜來相尋潛蛟在壑不多見飛鳥過巖時
一吟斫破荒祠山鬼怪祇饒游覽重千金

游南澗寺寺乃唐節度使王審知所建

閩山東面啓松門梯石層層見梵尊題表尚存唐節
鎮地圖渾似洛林園亭因聚遠開幽徑棧至臨危出
小軒最是躋攀宜健步病身無羽亦飛騫

伏觀中書以內郡飢遍行拯楛新令感激

有作

江南往歲旱連州河北今年水逆流恭體朝廷寬大意少紓田里散離憂表章有道誠長策衣食無功本拙謀國制由來重農畝太平政不在他求

憲司獲榕輪困數十圍其茫數畝雨止觀

白鷺

榕樹庭中翠欲曛飛來白鷺動如雲每當彈射思傷物忽到裘袖感離羣護子烏鴉來辟易附人鶴鵲漫繽紛要知得失都何與含育無由報聖君

歸思

陶公歸思定如何山郭春風長薜蘿直道當官唯任拙庸才負祿祗慙多江山實自辭家隔日月虛隨閑

戶過點點飛鴻向天末憂端不類澤中歌

到官

陶公到官八十日今我到官踰半朞勸農省俗了何
補暖衣飽食將何為常思在山深席豹幾曾當道假
狐狸英雄見義尤飢渴可使文人有愧辭

風止聞鵲

荒山遠水放輕刀頓雨煎風戒弊袍五六月餘鄉問
絕二千里外客心勞樹間烏鵲聲頻好天上麒麟格
自高獨有武夷看未了野人寄語壘香醪

奉和吳宗師退朝

柳外朝冠古進賢雲間觀戶舊通仙蓬萊豈隔三千

里華頌宜過一萬年香並袞龍浮瑞日聲隨簫鳳下
晴天文臣不願金莖賜但想黃封到竹邊

奉觀郊廟禮成簡曹禮部元用

西山半壁影鈎陳晴雪新銷路馬塵兩歲通行三大
禮千官中稱一閑身伊臯事業何當下管樂才名不
用真遙憶南宮舊詞伯退歌清廟屬生民

和馬貢士元夕同觀鐙之作

已戒金吾夜不譁西山又被雪微遮飢年禁釀知誰
力到處看鐙侶我家旅夢比嘗經赤甲病身尤欲戀
黃芽雲端此日煙霏暖遙想仙人立露華

答李洄

客居離索感芳晨頗耐物色惱詩人花心盡逐陽和
動柳眼宜於故舊新萬里清江家共遠九春皓雪夢
兼頻鹿門自有龐夫子長往煙林秋復春

調馬君

平時有酒不解醉愁至方知酒道尊一萬里程兼雪
霰三千年事隔朝昏何因洗盡花間屿更与傳鞭柳
下墩寄語東鄰馬貢士今昏琴筑好温存

獨立

能詩不得靜中師又是天涯獨立時高帝夕陽人影
亂曲河新水棹聲遲一身慷慨家仍遠十口淒涼歲
荐飢偶爾凭闌感風物臨流先被白鷗知

張留公母

山風遙引紫雲車樓閣春深阿母家更五十周重甲
子後三千歲一桃華綵衣故綰封留印白璧新隨蜀
使查見說麻姑舊行處至今源上有丹沙

奉和王繼學懷濟南舊遊

前輩風流逐斷澌濟南舊錄故人詩遙知靈運初遊
日正是元方後載時青社寥寥成異物丹丘晶晶屬
遐思壯年易動離居感繾綣花前金屈卮
樓上看山翠黛浮樓前沽酒錦纏頭登臨試與詢湖
雁豪傑親曾侶海鷗沙領曉晴雲散出野亭春盡水
交流意中故舊那能得強擬偷生賦遠遊

每愁大手不如燕多見公侯勝昔年計拙欲求千戶
等心勞政類十洲仙幾回見月思歸去整到臨風復
惘然剪盡綠楊三萬樹多應無處著啼鶻
手接新詞絕底清一雙白眼為君青寰區政待新年
穀江漢徒傳赤日萍斷雨潛蛟虛水榭遠波迴鷺寔
雲汀此情可在齊州外不解無人問獨醒

和田師孟郎中寒夕西曹即事

正是西曹遣翰初落花寒食柳微舒每因作者留心
苦多恨時人守法疎詩思偶闕絲上史刑脩正在腹
中書平生萬卷蘇居士皓首東坡雪不如

上真應寺觀寺後龍湫湫在屋上蓋由寺

北下馬並高數十折得之又數步許得巨
石有僧龕其中云即唐盧叟所隱成道處
時日斜方焚香誦經聞客至乃能輟誦
相迎作茶去

憑高窺窕辨精藍濯佩還思訪古潭字貶孟家題處
碣洞留盧叟去時龕近人野鳥如曾識問客山精不
敢談聞說平坡猶在上登臨雖倦且停驂

雨後坐郝大叅亭子

每見人來問草堂偶從燕坐憶滄浪地形遠競朝霞
爽林氣清分宿雨香移石旋成行藥迳障泉思引釣
魚航它年紫綬歸黃閣凡杖苔生儘不妨

兩後過王長史

省郎近佐三公府想得深懷似故山
風急游絲當院靜雨餘芳草閉門閒
未離塵土長思蛻已近江湖不
論還自爾相看慰岑寂不聞朝署有新班

挽劉提舉

逝川無力可能攀又送先生葬碧山
化鶴不歸華表上鳴雞倘在白雲間
空歌楚水巫陽些不見蓬洲使
福還畢竟修文陰有待玉樓何許淚潸潸

范德機詩集卷之七



開化圖書館

Kaifu Library

開化圖書館

Kaichua library

開化圖書館

Kaichua Library

開化圖書館

Kaishwa Library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Inches 1 2 3 4 5 6 7 Centimetres 1 2 3 4 5 6 7 8 9 10 11 12 13 14 15 16 17




范德機詩集
二

開化圖書館
Kashua library

開化圖書

Maehwa Library



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color